



Na osnovu člana 2.9 stav (1) tačka (9), a u vezi člana 11.1 stav (2) i člana 11.6 stav (2) Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), u postupku utvrđivanja rezultata izbora i dodjele mandata za Narodnu skupštinu Republike Srpske, Centralna izborna komisija Bosne i Hercegovine je na 83. sjednici, održanoj 13.11. 2018. godine, donijela

## ODLUKU

### **o izmjeni Odluke o II izmjeni Odluke broj: 05-1-07-1-1274-1/18 od 22.10.2018. godine o utvrđivanju i objavlјivanju rezultata Opštih izbora u Bosni i Hercegovini 2018. godine**

Odluka o II izmjeni Odluke broj: 05-1-07-1-1274-1/18 od 22.10.2018. godine u o utvrđivanju i objavlјivanju rezultata Opštih izbora u Bosni i Hercegovini 2018. godine mijenja se i glasi:

„(1) Izuzetno od utvrđenih rezultata u Odluci broj: 05-1-07-1-1274-1/18. od 22.10.2018. godine o utvrđivanju i objavlјivanju rezultata Opštih izbora u Bosni i Hercegovini 2018. godine u dijelu Izvještaja o rezultatima glasanja za nivo 300 Narodna skupština Republike Srpske:

- za političkog subjekta 02372-Srpska demokratska stranka-(SDS-SRSRS-SRS), 3. mandat na kompenzacijskoj listi na kojem se nalazi kandidat Mihajilica Milanko (Srbin), dodjeljuje se kandidatu istog političkog subjekta na 10. mjestu iste kompenzacijске liste, 82. mandat, Marković Ivanka (Hrvatica), i

-za političkog subjekta 00515-Savez nezavisnih socijaldemokrata-SNSD, 4. mandat na kompenzacijskoj listi na kojem se nalazi kandidat Vuković Radovan (Srbin), dodjeljuje se kandidatu istog političkog subjekta na 10. mjestu iste kandidatske liste, 83. mandat, Šulić Denisu (Bošnjak).“

(2) Ova odluka stupa na snagu danom donošenja i objaviće se 13.11.2018. godine na internet stranici Centralne izborne komisije Bosne i Hercegovine [www.izbori.ba](http://www.izbori.ba), i smatraće se da je danom objavlјivanja ista dostavljena strankama-учесnicima iz stava (1) ove odluke“.

## Obrazloženje

Rješenjem Suda Bosne i Hercegovine broj S13 Iž 030949 18 Iž od 02.11.2018. godine ukinut je stav (1) alineja 1) Odluke Centralne izborne komisije BiH broj: 05-1-07-1-1274-22/18 od 29.10.2018. godine u dijelu koji se odnosi na dodjelu mandata političkom subjektu 02372 – Srpska demokratska stranka – (SDS-SRSRS-SRS) i naloženo je Centralnoj izbirnoj komisiji BiH da ponovno odluči u ukinutom dijelu Odluke.

Postupajući po nalogu Suda BiH Centralna izborna komisija BiH je donijela Odluku o o izmjeni stava (1) alineja 1 odluke o II izmjeni Odluke broj: 05-1-07-1-1274-1/18 od 22.10.2018. godine o utvrđivanju i objavlјivanju rezultata Općih izbora u Bosni i Hercegovini 2018. godine kojom se za političkog subjekta 02372-Srpska demokratska stranka-(SDS-SRSRS-SRS), 3. mandat na kompenzacijskoj listi na kojem se nalazi kandidat Mihajilica Milanko (Srbin) dodjeljuje kandidatu političkog subjekta 00515-Savez nezavisnih socijaldemokrata-SNSD na 10. mjestu kompenzacijске liste, Šulić Denisu.

S obzirom da je Sud BiH dispozitivom gore navedenog rješenja ukinuo samo Odluku u navedenoj alineji, dok je alineja 2), pošto odluka u tom dijelu nije ožalbena, ostala na snazi i postala pravosnažna, Centralna izborna komisija BiH je postupajući po rješenju Suda BiH pristupila izmjeni alineje 1) i dodjeli kompezacijskog mandata. S obzirom da 83. mandat nije osporavan i da je dodijeljen kandidatu iz reda hrvatskog naroda, 82. mandat je mogao biti dodijeljen samo kandidatu iz reda bošnjačkog naroda. Dalje, obzirom da na kompezacijskoj listi podnositelja žalbe nije bilo kandidata iz reda bošnjaškog naroda Centralna izborna komisija BiH je mandat dodijelila kandidatu sa liste političke stranke sa najvećim sljedećim količnikom koja je imala kandidata iz tog konstitutivnog naroda.

Na Odluku Centralne izborne komisije BiH broj: 05-1-07-1-1274-59/18 od 05.11.2018. godine podnesena je žalba od strane Srpske demokratske stranke (SDS-SRSRS-SRS), koju je Apelacioni odjel suda Bosne i Hercegovine Rješenjem broj: S1 3IŽ 031028 18 IŽ od 12.11.2018. godine uvažio i poništio Odluku te predmet vratio Centralnoj izbornoj komisiji BiH na ponovno odlučivanje. Sud BiH je u svom rješenju naveo da je u slučaju dodjele mandata 82. morao biti vraćen na početne pozicije, jer je Nini Bukejlović dodijeljen nezakonito, a kako su u uslovima ukinute odluke, ostala dva mandata, 82. i 83. koji se dodjeljuju Bošnjaku i Hrvatu, te kako je mandata 82. u prvoj dodjeli, umjesto Nini Bukejlović na broju 4 SDS kompezacione liste trebao biti dodijeljen drugom kandidatu ovog političkog subjekta iz relevantnog konstitutivnog naroda, Centralna izborna komisija BiH je dužna ponovno odlučiti o dodjeli ovog mandata, nakon čega će se ostvariti uslovi za dodjelu 83 mandata iz preostalog konstitutivnog naroda sa kompezacione liste Saveza nezavisnih socijaldemokrata-SNSD.

Iako je Sud BiH svojim rješenjem broj S1 3IŽ 031028 18 IŽ od 12.11.2018. godine ukinuo odluku Centralne izborne komisije BiH od 05.11.2018 tj. samo alineju 1) pošto je ista odluka samo i sadržavala alineju 1) Sud BiH je u obrazloženju problematizirao i već praosnažni dio odluke iz alineje 2) i praktično naložio da se i po njemu ponovno postupa, što je Centralna izborna komisija BiH bila dužna da učini pa je odlučila kao u dispozitivu ove odluke iz sljedećih razloga:

Odredbama člana 11.1 stav (2) Izbornog zakona BiH propisano je da najmanje četiri člana svakog konstitutivnog naroda biće zastupljeno u Narodnoj skupštini Republike Srpske.

Članom 11.6 stav (2) Izbornog zakona BiH je propisano da ukoliko svaki od konstitutivnih naroda ne osvoji minimalni broj od četiri mandata, naknadni kompenzacijski mandati se dodjeljuju kandidatu relevantnog naroda sa kompenzacijске liste političke partije ili koalicije koja je osvojila najveći broj glasova i koja na listi ima još kvalificiranih kandidata iz relevantnog naroda.

Centralna izborna komisija BiH je, prilikom donošenja Odluke o utvrđivanju i objavljivanju rezultata Opštih izbora 2018. godine broj 05-1-07-1-1274-1/18 dana 22.10. 2018. godine, te uvidom u ovjerene kandidatske liste i ovjerene Izjave ( OKL-1VIJ- član 4.19. Izbornog zakona) izabranih zvaničnika za nivo 300 -Narodna skupština Republike Srpske, utvrdila da od ukupnog broja koji se bira, 83 poslanika Narodne skupštine Republike Srpske, nije izabran minimum od najmanje 4 poslanika iz svakog konstitutivnog naroda, kako je to propisano članom 11.6 stav 2 Izbornog zakona BiH, a u vezi sa članom 11.1 istog zakona, odnosno da nedostaju po jedan poslanik iz reda bošnjačkog i hrvatskog naroda.

Istom Odlukom je utvrđeno da će primjena ovog člana zakona biti implementirana naknadno, a prije potvrđivanja izbornih rezultata, iz razloga što je slijedio period i proces ponovnog brojanja glasova po zahtjevima političkih subjekata ili po službenoj dužnosti, prilikom čega bi moglo doći do promjena rezultata i u pravcu da se ova anomalija ispravi (ili produbi), što bi tada bilo preuranjeno donošenje ove odluke. Kako je proces ponovnog prebrojavanja za ovaj nivo vlasti završen, a rezultati su ostali isti , to je trebalo pristupiti donošenju ove odluke. Prilikom donošenja ove Odluke, u skladu sa članom 11.1 Zakona, korištena je formula iz člana 9.5 i 9.6 Izbornog zakona BiH, uz paralelnu primjenu odredbi člana 11.6.

Utvrđeno je, da je 81. posljednji količnik na kojem se mogao dodijeliti mandat kandidatu bilo kojeg konstitutivnog naroda, a da već 82. se ne može dodijeliti kandidatu iz reda srpskog naroda, pošto je preostala dodjela dva mandata, a nedostaju po jedan poslanik iz reda bošnjačkog i hrvatskog naroda. Taj količnik i mandat pripada političkom subjektu 02372-Srpska demokratska stranka-(SDS-SRSRS-SRS), a kako se tom 3. mjestu nalazi ime kandidata Mihajilica Milanka, koji se izjasnio kao Srbin, isti mu nije mogao biti dodijeljen, nego u skladu sa članom 11.6 stav (1) i (2) Zakona, isti mora biti dodijeljen "relevantnom konstitutivnom narodu,, tj. bošnjačkom ili hrvatskom narodu, što je u ovom slučaju, slijedeća kandidatkinja na 10. mjestu iste kompenzacijске liste, Ivanka Marković, koja se izjasnila kao Hrvatica.

Preostali, 83. količnik pripada političkom subjektu 00515- Savez nezavisnih socijaldemokrata-SNSD, a može biti dodijeljen samo kandidatu iz reda bošnjačkog naroda. Kako se na 4. mjestu za dodjelu nalazi ime kandidata Vuković Radovana, koji se izjasnio kao Srbin, istom nije moguće dodijeliti mandat, s obzirom da mandat mora biti dodijeljen bošnjačkom narodu, a što je u ovom slučaju kandidat na 10. mjestu iste kompenzacijске liste Šulić Denis, koji se izjasnio kao Bošnjak.

Imajući u vidu naprijed navedeno, kao i činjenicu da je na kompenzacijskim listama navedenih političkih subjekata bilo pripadnika nedostajućih (relevantnih) naroda, to su mandati ostali u okviru istih političkih subjekata, donesena je Odluka kao u dispozitivu.

**Pravna pouka:** Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelenju Suda Bosne i Hercegovine u roku od dva dana od dana objave ove odluke.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329 ili lično u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo.

Broj: 05-1-07-1-1274-76/18  
Sarajevo, 13.11.2018. godine

